

Karadžin predsjednik Kantonalnog odbora Naše stranke TK



Zvezdan Karadžin iz Tuzle novi je predsjednik Kantonalnog odbora Naše stranke Tuzlanskog kantona.



Odluka o tome jednoglasno je donesena na današnjoj sjednici reorganizovanog, ranije Regionalnog odbora Naše stranke TK.

Za novu potpredsjednicu KO Naše stranke TK izabrana je Mersiha Jogunčić iz Gračanice, dok će glasanje za drugog potpredsjednika biti obavljeno na narednoj sjednici ovog odbora, rečeno je portalu Tuzla LIVE.

Dužnost predsjednik RO Naše stranke TK doskora je obavljao Mirsad Čamdžić iz Gračanice, sada potpredsjednik stranke.

Osim Karadžina i Jogunčić, u Kantonalni odbor Naše stranke TK izabrani su još: Muradif Mujkanović (Živinice), Jasmina Omerdić i Malik Sakić (Tuzla), Berina Huskanović i Almir Nalić (Gračanica), Miralem Sejdinović (Lukavac), te dvoje zastupnika u Skupštini TK Selim Bešlagić (Tuzla) i Mirela Trepanić (Gračanica), dok će se dopuna KO vršiti i s predstavnicima ostalih općinskih odbora NS s područja TK. (tl)

Date: 18-07-2019